

續錄西漢演義

第五十三回

懼楚罪陳平歸漢

第五十四回

董三老遮道說漢

卻說項莊季布回見霸王備言司馬卬被虜河內已失臣等行至中途知此消息遂即旋師回恐勞民動衆無益於事王怒曰朕差汝救援河內往回將月餘矣不遇敵而空回以至河內有失去朕一藩鎮矣皆爾等之罪也陳平在側曰二將雖去亦不能以保河內且韓信用兵彷彿孫吳二將豈足以爲敵哉陛下不必深罪二將臣與范亞同一將親領一枝人馬復取河內阻韓信不得東來陛下伐齊之後卻舉兵而西料漢王決敗韓信可擒也不然關中之地悉爲漢有不獨一河內而已

陳平雖歸漢其立心行事畢竟是小人

霸王益怒曰前殷王求救時汝亦

在左右獨無一言及此亦是今河內已失乃欲勞師遠征以爲復取河內不欺誑朕躬耶遂將項莊季布叱退是日卽罷陳平官爵使勿侍左右平退居私宅終日鬱鬱不樂因密令家僮整點行李暗打發家小回陽武去

該乃獨身仗劍從小路投洛陽來天將日暮到黃河邊四望無人走近沙灘灣一隻小舟平叫曰過往客人遠

來欲過河投宿小舟中走出兩來眉目兇惡年各二十四五歲平思此二人必黃河邊水賊若欲回避反致

謀害不若上舟渡河自有計較二人上下觀觀平一遍心中甚喜遂扶平登舟將近中流二賊進艙欲取刀

殺平平思賊之所以害我者利吾之財也我若惜身之所藏必被賊害矣乃告賊曰某雖過客亦知水性願與

身與二公駕舟庶行乃速耳平之計若爾遂將一身衣服所藏之物盡行脫去裸身立於舟上示無懷疾二

賊私相笑語曰吾二人以彼身邊必有所藏欲利其有觀裸身而見則無所藏可知矣遂無殺平之心乘順風

瞬息過河陳平上岸逃得性命急投店中來已近夜矣店中人見陳平裸身而來大驚曰子必河中遇賊也平

哀告曰某乃河南客商楚地買賣舊資回家行晚過河領一家僮皆被殺死因我苦苦哀求方將衣服行囊盡

行盜去饒此性命來投寶店幸念同鄉留宿一宵備舊衣遮體得命回家決重報厚德此說說益每一則免店

中人聽陳平言語不俗又見顏貌甚修美一時各出衣服數件與平穿著就請同席飲酒共宿一夜次日陳平

拜謝店主並同伴者遂投洛陽大路徑往咸陽而來先訪故友魏無知備道項王失政獨恃強暴不納忠言

塞賢路某素知漢王寬仁大度好謀能斷任賢使能各盡所長乃真命之主也願背楚千里而來傾心事之敢

借故人吹噓之力薦拔一言少得錄用斷不敢忘恩也魏無知曰漢王虛心以求天下之賢故四方之士心悅

誠服願欲立於其朝若先生抱經世之才揆奇謀之術置之帷幄必能算策我漢王昇之不待推薦必留重用

也陳平拜謝一日魏無知乘漢王無事因告曰楚國陳平深慕大王盛德今棄楚仗劍歸漢與臣故舊素知其

能王若留用必有裨益王曰此非昔年鴻門相遇之陳平乎無知曰正是此人王曰寡人懷念此人日久每欲

一見不可得今來投降實合我心因召見曰昔年得君維持之力幸出鴻門於心終不忘今喜為同朝之臣甚

慰我心遂相語竟日漢王甚喜悅便問居楚何官平曰在楚為都尉是日即拜平為都尉使參乘典護軍日侍

左右諸將紛紛相議曰一時亡命之徒裸身而來未知淺深遂拜為都尉朝夕在王左右恐有不測之變王聞

之益加優厚一日周勃等言於王曰諸將多忌陳平雖美如冠玉其中未必有也居家嘗盜其嫂今為護軍多

受諸將金以臣等觀陳平為人乃反覆亂法之臣也願王察之不可為奸宄所惑王聞說即召魏無知責之曰

汝薦陳平可用今觀盜嫂受金行檢貪污薦舉非其人矣汝亦有罪無知曰臣所言者能也王所問者行也國

今有尾生孝己之行而無益勝負之數王何暇用之乎莊子曰尾生與女子期于梁下女子不來水至不去

尾生性而死孝己殷高宗子有孝行事親一夜五起

平曰吾非不可用之物隨人用與不用耳魏主不用臣故臣去而歸楚楚不能用臣復去而歸大王亦隨人所

愛而取用也臣素聞大王能用人故不辭千里而來見王其言備不盡此所以能動漢王王實能用之臣前日歸漢之時渡

河遇賊裸身而來若不受金實無資用誠能畫計有可采者取用而成績則大王所損者小而所獲者大苟大

王聽人言而不用臣計則所得之金俱在私囊臣不敢隱請封輸於官願乞骸骨以歸故里大王之恩大矣王

聞平言乃深謝陳平益加厚賜復又遷平護軍中尉使督護諸將乃不敢復為譖言矣此見漢王顛倒豪傑莫

知端倪史稱漢王知人善任使此其一節也有詩曰兩國爭橫用計時陳平謀士楚無知漢王不聽羣讒謗

虞得他年六出奇漢王厚遇陳平不題却說韓信差人飛報漢王已得河內王甚喜又見各路諸侯納款歸

降各國奇謀敢勇之士亦皆順附忽有左右來報夏侯嬰引常山王張耳投降王曰張耳自幼與陳餘為刎頸

交後立為王各不相協昨聞陳餘殺張耳家屬追耳止存五騎今來投降亦孤鳥奔林射者望的也即召相見

夏侯嬰引張耳入見漢王王曰久慕賢王盛名今來相見實慰渴懷張耳泣曰臣耳與陳餘自幼相交甚善今

為私讎殺臣家屬終身之恨不共戴天恭聞大王瑞徵五星天人協應反楚之道而易之以寬仁真天下之主

民之父母也願延頸歸降倘蒙錄用他日得沾尺土報一家之仇雪終身之恨臣雖肝腦塗地亦無憾也漢王

大喜遂重用張耳仍以常山王呼之仍呼常山王亦漢王用人之能漢王又見張耳歸降將士雲集遂與羣臣商議曰寡人自

出褒中以來各路諸侯順應兵馬集聚四十餘萬意欲舉兵而東駐劄洛陽與韓信人馬會合同伐楚爾等以

為何如羣臣曰大王兵威益振所向無敵正當獎率三軍以伐無道臣亦得東歸以見故土也張良曰大王兵

...

威雖振而歲星未利恐東征亦難取勝以臣愚見當養威蓄銳須待明年乃其時也王曰寡人東歸之心無日不惓惓於懷久棲於此非我志也遂不聽張良之言分付大小文武將佐擇日起兵就請太公呂后同行羣臣聞漢王東征各人心喜數日間三軍整點齊備來奏漢王曰馬步軍卒已整點四十餘萬大小將佐二百餘員請王車駕啟行於是漢王差人約會韓信俱至洛陽取齊大勢軍兵徑往河南大路進發及至河南有洛陽王申陽率領文武將士出郭遠接漢王一路看洛陽形勝左據成臯右阻河池前向崧高後介大河東聯崑山西接潼津五嶽中爲中嶽所謂河南爲天地之中風景華美山川明秀不能徧觀盡識也忽前驅來報有數十鄉老望塵遮道欲來見王王曰召來相見其中有一鄉老年極高大姓董人稱爲董公三老昔日在大江中救義帝屍安葬于郴州今聞漢王到洛陽領眾鄉老來見因進告曰臣等眾鄉老望大王日久欲有一言上諫王曰爾有何說董公向前曰順德者昌逆德者亡

董老戰言勝雄師百萬大將千員蕭曹等有愧多矣

兵出無名事故不成故曰名其爲賊敵

乃可破項羽無道放弑其主天下之賊也夫仁不以勇義不以力大王宜率三軍爲之素服以告諸侯而伐之則四海之內莫不仰德此正甫之舉也王今師出無名不過徒爭尺寸之土耳雖一戰勝楚天下終不服也

漢王五戰能成帝業然老董之言誠爲有理寡人即發手書布告天下然後合兵東征又

難言在當時亦以可借義耳漢王因撫之曰爾鄉老之言誠爲有理寡人即發手書布告天下然後合兵東征又

召董公曰爾等亦欲仕進乎董公曰臣年八十有餘死期將至幸見大王仁愛及於天下約法三章除秦苛政

百姓莫不引領而來欲大王爲天下主也臣等不辭遠來扣馬而諫以申此大義非爲仕祿而來也漢王大喜

各賞白米一石絹一疋眾鄉老領受拜謝而去於是漢王進洛陽城卽爲義帝發喪哀臨三日乃下手書布告

天下書曰天下共立義帝北面事之今項羽弑之大逆無道寡人悉發關中兵收三河士願從諸侯擊楚之

殺讓帝者各處將手書分頭發行此時韓信人馬俱會合一處不月餘諸路兵馬聞手書到日不期而合兵者共五十六萬之衆董公一言之間而人心歸向如此是亦天理之不可泯也 胡氏曰天下苦秦諸侯並起名

其師者曰誅無道秦可矣今秦已滅諸侯各有分地而漢又起兵雖曰項羽爲政不平顧亦伸己私忿耳非義

兵也及董公獻言漢王承順此論甚合然後項羽弑君之罪無所容於天地之間而天下終屬歸於漢王可坐而策

矣故隨何陳此義而下九江酈生陳此義而下全齊是背無所倚又斷其臂雖欲不亡不可得矣 漢王聚集

大小諸將因與韓信議曰今諸侯會兵俱於洛陽甲兵五十六萬將軍可以伐楚矣信曰行兵之道先接天時

次察地理又看歲星之向背方可行師蓋兵凶器也戰危事也三軍之死生國家之休戚實係於此豈可輕舉

之乎臣夜觀乾象又推算大王年命俱尙未利不若休養士馬訓練甲兵少待明年臣敢保其必破楚矣若今

年舉兵決不敢奉命王曰前日舉用將軍之時未及兩月將軍卽勸寡人東征今關中已得大半較之前日兵

勢又大不同將軍反趨起難進者何也信曰大王雖得關中未與項王會戰臣觀項王勢力正在強盛之際今

與齊梁爭橫趙作梗又喜各國分奪其勢延至明年大王乃舉兵而東乘其隙而與之敵臣知必勝矣王曰

時不可違機不可失今項王出征在外正當離披之時我乘其懈怠而取之其必勝矣將軍所見不同故乃退

遜如此且帶領本部人馬鎮守西秦寡人親統大軍東向伐楚倘有未和將軍急來救援亦將軍之功也張良

等近前復苦口極諫漢王益不聽信曰霸王勇冠天下所向無敵漢將中恐無對手大王當審時量勢而進切

不可輕敵也酈生曰元帥與其預爲謀畫如此不若隨大王一同東征決成大功信曰不然秦地初附漢兵盡

數東行倘或不利人心未保一聞傳報決復叛亂信領本部人馬鎮守西秦不失根本此萬全之策也韓信就

將大將印交付與漢三領本部人馬拜辭徑赴咸陽駐札漢王遂率領大軍東行所到郡縣莫不歸附將近陳留張良奏曰臣故主被楚所滅有韓王孫姬信撫養諸公子家乞大王傳檄立爲王以守陳留卽王之藩鎮也王曰然就命張良持節封韓王孫姬信爲韓王諸公子中有賢能如姬康者封爲陳留君使輔韓王張良持節拜謝王曰先生到陳留封韓王畢可兼程起來寡人欲朝夕與先生商議伐楚良曰大王凡事當斟酌可否仍須於諸將中立一大將以約束三軍臣到陳留料月餘卽赴彭城也張良赴陳留不題漢王過汴河三軍各相爭渡先後互跌落水眾人喧嚷高呼略無忌憚諸將莫能禁止漢王召陸賈酈生議曰軍無紀律以其無大將統之也寡人於衆諸侯中擇其素有重望者惟魏豹乃魏王嫡孫時人稱爲賽太公其人可爲大將寡人欲以元帥印付豹執掌爾以爲如何賈曰魏豹言過其實恐非大將才酈生曰張良亦嘗輕豹豹與諸將亦不相得恐難服衆也陳平曰豹雖有才而非大器終不足濟大事王曰魏豹門第素重五世將相較之韓信受辱乞食迥然不同拜爲大將豈有不服衆之理耶是日遂拜魏豹爲大將豹欣然領受點閱三軍調遣諸將人馬啟行赴彭城進發霸王征齊梁燕趙宋回彭城乃彭越鎮守漢王遣陸賈遺齋手書往說彭越降漢書曰漢王手書付彭將軍足下項羽放弑義帝大逆無道已發書布告天下兵皆縞素爲義帝發喪諸侯聞有此舉莫不同心稱快將軍負鷹揚之勇素有大志今乃與逆賊爲臣實爲將軍恥也將軍肯從義舉與漢合兵共伐大逆成功之後垂名竹帛爲萬代元勳子孫祿延世享爵祿大丈夫之所爲自與尋常萬萬不同矣足下其察之陸賈齋漢手書見彭越越見書大喜曰越聞漢王乃長者卽開城迎接漢王安撫彭越畢召魏豹謂曰諸將預備與楚交戰卽入後宮收其寶物美女盡日置酒高會虞子期急救虞姬投北逃走漢王亦不追趕諸

文武將佐心志益懈不聽豹約束便不聽了豹性躁無涵容鞭撻士卒凌辱諸將士人心多不服項王見虞子期

護送姬家眷赴楚營備說彭越降漢漢王大兵屯住彭城後宮寶物美女俱被虜掠矣項王聞說大怒曰劉

邦乃敢奪我彭城虜我後宮誓不與邦並立乃命龍沮鍾離昧領兵攻齊親領精兵三萬人晝夜兼行趨彭城

離三十里安營差人下戰書與漢會兵漢王拆書觀看書曰西楚霸王書付劉邦曰朕封爾為漢王坐守西

土帶甲十萬安享天祿亦當知足不自揣度恣肆猖狂侵擾關內所降諸侯皆猥才庸人不足以為捍禦乃爾

解戈朕今與爾會戰爾當延頸以試我劍使爾片甲不歸魚游釜中耳速來出敵勿自退悔漢王觀書畢召

示魏豹豹曰王嘗批迴來日會戰不知楚漢如何交兵下回分解

總評 用智去詐用仁去貪用勇去怒王其有之 忽封魏豹人所不服

第五十五回 楚霸王彭城大戰 第五十六回 漢王收兵入滎陽

却說魏豹會集諸侯並各將佐謀士相議遂分兵五隊敵楚第一起殷王司馬卬第二起洛陽王申陽第三起

常山王張耳第四起漢王同家將第五起魏豹自統大兵押後陣分撥已定命司馬欣董翳劉澤守彭城以為

應兵次日魏豹貫束停當出城十里布下陣勢以為救援却轉調五隊人馬前進六軍鼓譟兩陣鑼鳴只見霸

王前邊列兩面龍鳳日月旗旗開處霸王當先馬大呼曰劉邦與我決戰漢陣上司馬卬出馬霸王曰朕不

負爾爾何背反卬曰大王放弑義帝悖逆無道以此歸漢非反也霸王大叱一聲卬馬倒退數步霸王就勢一

槍刺來司馬卬急舉刀交還烏騅走得急霸王槍尖早到卬措手不及早已中槍刺於馬下催動楚兵掩殺漢

兵霸王正追殺之際申陽二隊已到就與霸王觀面霸王曰爾亦為何背楚歸漢陽曰漢王有德天下歸附不

獨陽一人而已陛下亦同歸降不失楚王之貴王怒舉槍便刺申陽陽初嘗退避後霸王攻擊愈緊陽笑曰何有

我勸爾歸降爾反刺我何不自量如此遂挺槍交還戰二十回合申陽力怯正欲退後張耳人馬已到二將

協力來戰霸王霸王槍法神出鬼沒二將不能抵敵那申陽正掩一槍方欲逃走項王隨手向後心正著一槍

早已落馬張耳無心戀戰急退下陣來楚兵吶喊追殺正遇漢王諸將截住楚兵霸王大呼漢王出陣答話漢

王旌旗映日金鼓震天乘逍遙白龍馬隨從許多將佐楚王一見切齒罵曰劉邦想汝不過泗上一亭長封汝

為漢王心尚不足妄動兵馬侵朕疆界汝敢與吾決戰三合吾便束手歸降如不能戰當受死馬下漢王曰爾

乃一村夫恃爾強暴何足與吾敵哉霸王拍馬舉槍直取漢王漢王尚未走出舞陽侯樊噲絳侯周勃并柴武

斬強盧綰等一千眾將各舉兵器一擁殺來霸王抵著方天戟迎著兩刃刀對著龍泉劍戰著火尖槍征塵蔽

日殺氣冲天只見霸王精神倍加力敵眾將後有項莊桓楚虞子期季布各領大兵沖殺過來漢兵大亂四潰

奔走駐紮不定正當窮迫之時只見大路一彪軍從後殺來攔住楚兵乃大元帥魏豹也好個曰大王左遷諸

侯放弒義帝天下離叛臣不敢逆天亦順命歸漢請大王急早退兵乃為上策倘或敗亡喪大王一世之威名

矣霸王大怒舉槍直取魏豹豹鐵搦交還戰二十回合霸王按了火尖槍忙舉鐵鞭在手看得魏豹較近分頭

一鞭打來魏豹眼快側身一躲在臂上早稍了一鞭魏豹伏在馬上逃回本陣霸王同項莊等四將揮動大兵

盡力四邊追殺殺得漢兵屍橫遍野血流成河是日損漢兵三十餘萬睢水為之不流不一時又有劉澤領敗

殘人馬自彭城逃來說司馬欣董翳已開城迎楚兵邈城將太公呂后虜去漢王大哭曰大兵既失太公遭

虜恨不聽韓信子房之言韓信乃有今日也韓信有胡曾有詩曰 睢水波濤接海涯古堤寒柳鎖烟霞至今兩

摩堆人骨盡是高皇敗楚家 言未畢四望皆楚兵金鼓大作喊聲大舉諸文武壯士亦不知所往須臾楚兵

圍遶三匝如鐵桶一般漢主回視隨身士卒止數百騎漸近黃昏嘆曰吾必死於此矣雖騰空亦不能出此重

圍也正在危急之際忽見狂風大作飛砂走石自東南而來黑霧彌空黃塵四塞周圍楚兵皆掩面站立不住

驚惶迷亂四散奔走漢王見馬頭前隱隱有白光引路此天數非人力也遂策馬前進行二十里風色漸息霸王急整

點三軍不見漢王眾軍士曰大風起後楚兵散失漢王不知所往范增跌足曰劉邦定走脫矣陛下當連夜差

人追趕若不就此時擒住恐後難遇此機會也霸王即差丁公雍齒領三千人馬務要星夜追來二將得令向

東南大路追趕却說漢王匹馬獨行自思若非這一陣大風決被楚兵虜矣正思想間忽後面塵頭起處早有

追兵到來當先乃楚將丁公也丁公追上漢王曰邦至此亦不能逃矣但賢者不相厄而相愛也公如憐我

則當使我遠遁他日得地決不相忘也如不念邦之孤弱而執縛之使遭強暴之楚為鼎中之肉邦即束手聽

將軍擒也丁公曰今日之事君事也臣不敢廢豈非乎殆哉若非大王當策馬南行臣發數矢以為追捕之狀

使三軍不相疑也漢王轉身即投東南而去丁公拔箭頭發數矢而回正遇雍齒曰足下曾見漢王否公曰

追漢王將近連射數矢不中被漢王走脫矣齒曰公既追及豈可容彼脫去料今相去未遠務要追及擒來齒

兼程追趕且說漢王行了一晝夜人困馬乏力難支持天又漸晚後邊又見追兵到來王自思今番必不能逃

矣路傍一枯井漢王下馬即跳入井中躲避雖是下策也雍齒追到因天晚經過枯井漢王知道追兵已過看枯

井底亦不甚深遂拔劍掘土登躍而上找尋馬在山崗下吃草漢王急上馬又行數里肚中飢甚遠聞前村犬

吠樹林中早露出燈光來自思此必是村鎮策馬近前見一大莊院遂扣門有一老人拄鳩杖而出開門迎王

入莊老人見漢王紅袍金甲儀容不同量必是王侯即準備酒飯款待向前動問將軍何處公子那路王侯為甚到此願聞其詳王曰吾乃褒中漢王雖在不在因與楚兵在彭城交戰大敗迷失道路天晚無處投宿有擾貴

莊那老人聽罷俯伏在地曰臣素聞大王仁德天下莫不歸仰今喜光臨敝莊十分萬幸老人又分付重整酒席款待甚是懇勸王曰尊丈高姓老人曰敝村有七十家臣家姓戚一戶有五六門頗有莊地人就稱此村為戚家莊今居五世矣王問老人有子否老人曰臣無子止有一女年方一十八歲許負曾相此女有大貴今

幸大王到巨家願將小女奉侍左右未知大王尊意如何王曰逃難至此得款曲留宿幸也豈敢望令愛為配哉老人遂命女出拜漢王王看戚氏姿容閑雅風度妖嬈心內甚喜遂解玉帶為定禮老人收訖復拜謝漢王

又飲數杯夜深就與戚氏同寢漢王雖中還有此與獨次日早起戚公苦留漢王再住數日王曰漢兵大敗四散無主文武將士亦不知所在我何忍留戀在此待我到一大郡駐札定差人搬取今愛戚公聞言不敢留王遂整頓衣冠投大路往南而行未十里又見塵土起處有一簇人馬來來漢王急藏入大林中看那來的人

馬乃滕公夏侯嬰也王見夏侯嬰便問卿如何得離彭城夏侯嬰曰臣因司馬欣董翳降楚太公娘娘困住臣舍死入內與楚兵對敵連戰數次力孤不能救匹馬出西門又見楚兵二位殿下挾在馬上正欲奔楚營被

臣殺退楚兵收敗殘人馬數千救殿下望南趕來今行兩日矣不想幸遇大王且喜二位殿下無恙漢王大興曰太公呂后不知性命如何要此二子何用嬰曰太子天下本也大王雖有天下若無太子無以屬天下之心

王然後召二子近前相見語之曰將軍萬軍中舍死救汝兄弟汝當牢記在心倘他日得地不可忘大恩也二子轉身拜謝夏侯嬰俯伏在地曰臣託大王洪福上天庇祐非臣之能也是日屯兵於汴河之東君臣方纔會

武

食忽小卒來報沿河一帶塵土冲天而起有一枚人馬到來王曰此必救兵非楚兵也言未畢只見紅旗閃灼劍戟輝映旗上大書興劉破楚大元帥韓信一面旗書司徒張良乃是張良陳平招集殘敗兵三萬打著韓信旗號一路跟尋而來到此正遇漢王二人甚喜王曰二位先生再三勸諫今年不可興兵寡人不聽今果喪師敗將自覺慙愧又得先生領兵救應深恨魏豹匹夫智疎才短用兵無法五十六萬漢兵被楚殺死三十餘萬悔無及矣良曰大王不必深悔況此處不可安營倘楚兵追來何以禦敵不若且急赴滎陽營屯人馬再整軍威仍以韓信爲師以雪睢水之恨王曰然遂催兵赴滎陽大路來守滎陽者韓日休也聞漢兵至卽出城迎接漢王同張良等進城屯住人馬數日內樊噲周勃王陵等一千眾將陸續俱到魏豹惶恐徑赴平陽去了丁公雍齒領兵回見霸王奏說劉邦遠遁追趕不及范增曰邦雖敗韓信尙未遇敵昨用兵者魏豹也其人言過其實劉邦不知而誤用之所以戰敗也若韓信用兵陛下不可輕敵霸王笑曰羽之變有白來矣韓信在楚已見其才亞父何言之過耶若有大才昨同劉邦到彭城無睢水之敗觀此又何遠慮增退後左右來報司馬欣董驪擒太公呂后來見霸王曰封爾兩人於中秦要地爾見章邯失守不協力往助卻坐觀勝負纔漢兵一到遂乃歸降今見劉邦兵救復又降楚反覆小人要爾何用命左右斬訖報來不一時斬司馬欣董驪於轅門外懸頭號令人殺得二隨喚呂后到帳下怒曰汝子劉邦封爲漢中王不安分奉職乃敢入寇關中侵我封土一人叛逆九族當誅汝難免一死范增急出止之曰不可劉邦新敗韓信尙在關中倘復興兵當以太公呂后爲質使劉邦係念終難以決勝負也如若殺之益結讎恨矣霸王遂留太公呂后付虞子期管收復領兵還定齊地齊王田橫久爲楚兵所困見霸王新破漢王軍威益振遂開城歸降齊地復屬於楚矣霸王仍到彭城

彭越見漢兵敗徑投大梁領本部人馬與漢合兵共據梁地楚遣龍沮統兵伐梁未下英布因前追太公呂后
喪帥回見霸王被楚叱辱回守九江一向與楚有隙不題卻說漢王屯兵滎陽招集人馬軍勢復大振一日與
張敖等計議曰今漢兵雖振但三軍無大將約束恐難調用韓信因前奪帥印一向通無消息知寡人新敗亦
不遣兵救援此時復取用寡人負愧亦不足以服其心也先生有何妙策使韓信自來投見因就而用之足以
制服其心良曰此亦不難臣往說之管交韓信自來投見但韓信可當一面自是房舉信之外有九江英布大
梁彭越若得此三人楚必敗矣王曰英布乃楚臣何以使歸我良曰布雖楚臣近與楚有隙每持二心苟使一
能言之士往說之必歸漢矣王問誰可為使往九江說英布隨何曰臣請一往說之於是漢王大喜即速令隨
何從九江而來何到九江隨投館於府對門整衣投見英布召謀士費赫計議赫曰此人必是漢王因敗睚水
無以與楚為敵今差隨何下說詞欲大王歸漢大王且辭以疾不可輕見庶漢知重也布遂分付門吏著漢使
且暫回容吾疾愈召來相見門吏傳命出隨何自思此必謀士費赫阻英布不相見也不若我先去見費赫即
轉身到費赫門首候費赫到家通報請見赫曰此是隨何因不得見英王欲欲來見我下說詞也遂下階迎隨
何升堂相見禮畢赫曰大夫此來為何隨何曰漢王新敗屯兵滎陽諸將各歸鄉里某乃六安人久思父母之
邦欲歸來拜掃墳墓今過九江慕英王威名特請一見王乃疑我為漢使辭疾不見我欲徑往六安恐王之疑
終不釋也來見大夫幸與轉達之且英王坐鎮九江正當折節下士吐哺求賢為當代明王使天下瞻仰大夫
亦不失輔弼之道今某慕義而來拒而不見使四方之士聞其倨傲如此孰肯來與之游乎善佐主者不可坐
視而不言也說得費赫坐立不定遂置酒相待從容言曰賢公且暫住一宿明日與英王相見何曰某不勝酒

力卽辭謝回下處明日一見英王卽欲回家探父母也次日費赫見英布備說隨何非漢說客乃歸劉探籍經過九江慕王威名欲來請見也布曰人慕名來見我拒之非禮也卽差人請隨何相見隨何暗思英布費赫中吾計也同差人來見英布布下座以手扶隨何陸堂相見畢讓隨何側坐費赫退後布曰先生事漢日久必知漢王前日睚水之敗緣何不用韓信見今聞滎陽屯兵欲何爲哉何曰前日漢王發手書布告天下諸侯爲義帝發喪兵皆縞素天下諸侯聞書卽到深惡霸王放弑義帝諸侯願助漢伐楚漢王以此留韓信鎮守三秦以爲根本不想霸王密差人持書遍告天下諸侯放弑義帝者九江王也其罪盡歸大王以此諸侯深怪大王而不助漢王齊梁燕趙共起兵與大王爭橫嘗爲弑逆之罪古今大惡楚一旦加惡名於大王王尙恬然而不知倘諸侯會兵而來天下皆以大王爲極惡王雖家喻戶曉而人不信也大王何以立身於天地間哉布起身向北指而罵曰江中放弑義帝實羽主之也我不過隨其使令耳今將此惡名反歸於我一人而何以當萬世之譏誚耶何急止之曰大王息怒恐左右聞之傳入彭城霸王必加罪譴布曰某嘗自思殺降王子嬰掘始皇墓放弑義帝此三事乃霸王所使心每負愧惟恐天下諸侯他日以爲借口不意今項王乃歸之於我我雖漏長江之水罄南山之竹而人不能知我心跡也爲之奈何何曰大王欲白心事此亦無難但同力助漢合兵伐楚明正其罪清濁自分今坐守九江倘漢王同諸侯合兵而來共討前罪大王今受楚之封爲楚之臣雖有言不能辨也以臣愚見不若捲甲休兵屬意於漢不顯說他使天下諸侯知楚負弑逆之罪而不歸咎於大王則大王洗惡名而爲討賊之舉矣豈不爲長策哉況今漢王收諸侯守滎陽收蜀漢之粟堅守而不動楚人深入敵國老弱轉糧進不得攻退不得解楚不如漢其勢亦以見矣大王不與萬全之漢而自往救危亡之楚臣竊

為大王不取也布近前附耳曰我近日與楚有隙亦欲泚此素恨深知漢王乃長者實欲有心往從之也先生少待數日當計議同先生一行言未畢左右報曰楚使齋霸王詔書至布急接詔曰君國舉兵臣惟協助心膂之託也九江王英布坐守江淮偷安自逸楚兵伐齊假病不起睢水會戰坐觀勝負朕勞軍旅久未一言奉慰失君臣之義非同游之好恃爾武勇恐罹狂逆往問三罪爾當知警自今會兵伐漢星夜前來毋誤故茲詔諭英布看罷詔書沉吟不言隨何直入曰九江王已歸漢矣何得發兵助楚耶楚使便問爾何人何曰某漢使隨何已約會與大王同力伐楚共誅暴逆為義帝發喪爾尚不自悟耶楚使見英布不語又問隨何之言知不諧矣急欲下堦而走隨何曰大王觀楚詔已有殺大王之意欲以絕天下諸侯之口使弑義帝之罪盡歸大王可知矣大王何不殺楚使以示助漢攻楚之意耶隨何作事何如此決烈布亦大怒遂拔劍將楚使一劍斬之遂扯碎詔書即點兵同隨何歸漢未知如何

總評 霸王驍勇信且畏之王何不自量乃爾 隨何一舌勝於十萬兵

第五十七回 張良智韓信伐楚 第五十八回 用車戰韓信勝楚

且說隨何這一篇話說英布歸漢布即召費赫點閱人馬帶領家眷一同赴榮陽大路來後史官有詩曰弑逆滔天罪莫逃一言能自動英豪丰城捲甲歸劉氏爭得江山屬漢高英布同隨何至榮陽來見漢王王方踞床洗足召布入見布深自懊悔乃與隨何曰我被爾騙來歸漢我乃一國王爵相見之際略無一毫禮節之意使我進退兩難不若自殺以見我之不智也隨何急止曰漢王宿酒未醒少間請相見自有殊禮大王不可性急布出與張良陳平等相見各有居止屋舍帷帳器用極甚齊備飲食供給與漢王無異布又大喜少間諸

文武壯士同英布入見漢王漢王禮義謙恭談笑豁達君臣相與略無嫌疑布思漢王長者適間幾自誤也

史臣曰漢王以英布先分爲王恐其妄自尊大故倨禮令其折服已而美其帷帳厚其飲食多其從官以悅其

心權道也駕馭英雄使莫測淺深豈明其之道不迫此高帝所以鼓舞一世而唐宋以來所不及也雖然此特

用於韓彭越英布之流可也若夫伊傅之儒一言未合則望望然去矣敢以居禮見之乎此三將所以他日見

殺固自取之也 自英布歸漢後漢王益兵三萬屯札成臯復遣使入大梁會彭越使絕楚糧道卻說楚使被

英布殺了有隨從人逃回奏楚王說英布扯碎詔書殺了楚使領兵已歸漢矣霸王怒曰黥面賊乃敢如此卽

分付諸將整點人馬擇日敢行誓誅此賊就擒韓信以爲叛逆之戒范增諫曰此一時小忿耳請陛下息怒且

暫訓練兵爲約會各路諸侯迎敵韓信剿除彭越通楚糧道此爲上策若破韓彭之後還入三秦建都咸陽諸

侯拱手英布等諸將不足慮也霸王遂止卻說漢王召張良曰前日先生曾言往說韓信著自來投見今英布

已降彭越歸附止韓信未來卽見煩先生一行良曰臣明日就行聞蕭何在咸陽運糧臣就同來見大王漢王

大喜次日張良辭赴咸陽來一日將晚進咸陽先來丞相府見蕭何何聞張良至卽整衣出迎相見甚喜備叙

久闊之情置酒相款因問韓信在咸陽消息何曰信自洛陽歸來終日鬱鬱不樂前日備說漢王不納忠言奪

印用豹不念破三秦取咸陽之功後聞睢水之敗遂杜門謝客某屢次上門亦不相見必欲漢王親來以重其

望似非人臣之體先生此來恐亦難見當以何法使信起用良附蕭何耳曰如此如此方可成功何能屬信信

何以君臣之誼委曲曉諭之信安得不聽從而不出此於是蕭何卽出示咸陽四門張掛曉諭軍民人等各換

門順序寫一家男子婦女幾名開載明白星夜攢造戶口文冊立等投獻霸王一邊揀撰善書者數百人立等

蕭象西英貞義 卷三 第五十七回 張良智韓信伐楚 八

寫冊鬪動一城軍民盡說漢王因睢水兵敗父母遭虜要將關內所得郡縣盡數歸還因此差張良同楚使來咸陽相府攢造各處戶口文冊韓信聞此消息尚猶豫不定差人城內打聽家家同說張良已來數日見今揀選寫字人通在丞相府伺候委的挨門抄寫戶口實是降楚信曰且再待一二日看如何此或是張良設計賺我起兵伐楚故來此作聲勢左右曰此事恐是實事見有告示張掛四門豈有虛說言未畢忽有人來報有人在門首要抄寫元帥戶口信曰我是元帥難同百姓差人便說造冊不分官戶軍民皆要抄寫上冊只是開載何為官戶何為民戶內自明白今須通要入冊請元帥作速開寫立等造冊楚使在府急燥蕭丞相甚是懊惱信曰且著來人去別戶抄寫待明日再來亦不悞其人哀告不肯離門便說若留下元帥這一條空行又不知戶口多少似難攢造只是今日費元帥即時舉筆省我們明日復來韓信聞說暗思漢王用我一場費了許多力方取了關中今一旦復歸於楚我今不起兵者只恐漢王不知重要他著急必是特召或是親來我那是起身諸將方心服不想今要降楚我須親見蕭何張良看他有何說隨喚左右備馬伺候往丞相府議事擺列儀從前呼後擁旌旄甲士左鈇右鉞光耀耳目兩邊軍民人等看見韓信威儀盡道元帥定是不肯降楚軍民之屬皆出子房與丞相計議不要造冊我等復有生路矣若是降楚倘霸王到來我等皆被坑矣韓信一路聞人言方信漢王實是降楚先差人報知蕭相國卻說蕭何聞韓信自來遂與張良笑曰此人果中吾計矣即分付左右催僮寫字人兩邊伺候造冊只見韓信下馬蕭何出迎敘禮畢何曰前拜元帥數次不遇信曰信因主上廢置不用退處閒居羞見丞相何曰元帥屢諫不可東征主上不聽因而不元帥而用魏豹以致敗績其過在主上而不在于元帥元帥何羞之有信曰適聞漢王遣子房來欲將信所得關中之地歸降霸王此意何謂何曰睢水敗績